

纂修縣誌徵事實詩文啟

側聞四方之志外史攸司列國之風輶軒是採故郡  
有紀邑有乘皆等史書而古可考今可稽式資文獻  
况宜春巖邑實江右奧區秀水澄波玉帶潨洄北顧  
仰山聳翠蒼松佳氣南來誦雲臺舊編猶見都官逸  
韻讀海潮遺賦每思學士弘才地產名賢代畱芳躅  
官遺惠政世茂甘棠所恨紀載之書闕焉未備致令  
信從之實邈矣無徵每念典型輒思纂輯用商紳士  
共勒成書發金匱石室之藏網羅畢備倣馬遷班固

宜春縣志

卷末

文啟

一

之意蒐討靡遺延訪維勤編紀尤慎第山川風土古  
今不無異同典制廢興時勢互爲沿革忠孝節義慮  
有沉淪道德文章或多湮沒慚并繡史不能遍訪名  
流廣布徵言敢望忻傳彙集至若人以文永地以人  
靈五色瀾翻綴江花於筆底千人辟易賦謝草於堦  
前公卿固皆廊廟鴻篇蓬華亦有山林雅韻仙才詩  
史等諸李杜光芒碩論弘文爭羨燕許手筆若詞賦  
若記序博收荆璞隋珠爲先哲爲時賢祈盡南金東  
箭敬陳駢語哀輯瑤章伏冀廣致舊聞共勳盛業核

事蹟之實勿獵虛聲傾錦繡之囊毋韜光采今日施  
諸梨棗卽爲當代新篇異時寶以琳瑯遂作他年傳  
錄

三韓王光烈啟